



477

Zephirus Ukip



P 1914



83-93
9-96

341

ՄԻ ՀԱՅՈՑ ՀՐԱՍՏԱԿՉԱԿԱՆ ԸՆԿԵՐՈՒԹԻՒՆ Խ 21

ԳՐԻՄ ԵՂԲԱՅՐՆԵՐԻ

ՀԵՎԻԱԹՆԵՐԸ

Ոռուսերէնից թարգմանեց
ՅՈՎԼ ԹՈՒՄԱՆԵԱՆ



2004

ՊՐԱԿ I

1. ԼՈՒՄԵՐԵՄՆ ՈՒ ՎԱՐԴԵՐԵՄՆ 2. ՍԱԴԱՐԱԾ ԱԴՁԻԿՐ 3. ԶԱՐՄԱՆՈԼԻ ԱՃՈՒՇԵ

83-93
9-96
Ա

ԿՈՎԿԱՆԻ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԸՆԿԵՐՈՒԹՅԻՆ Խ 21

ԳՐԻՄ ԵՂԲԱՅՐՆԵՐԻ

ՀԵՎԻԱԹՆԵՐԸ

Խոսկերէնից թարգմանեց

ՅՈՎԼ. ԹՈՒՄԱՆԵԱՆ

ՊՐԱԿ I

3993
37/46
6008

- 1 ԼՈՒՄԵՐԵՄՆ ՈՒ ՎԱՐԴԵՐԵՄՆ
- 2 ՍԱԳԱՐԱՇ ԱՌՁԻԿԸ
- 3 ԶԱՐՄԱՆԱՒ ԱՅՈՒՅԸ

000000000



ԹԻՖԼԻՑ
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ Ազգային գրադարան
1914



ԼՈՒՍԵՐԵՍՆ ՈՒ

ՎԱՐԴԵՐԵՍԸ

Լինում է չի լինում մի աղքատ որբեայրի կին։ Ապրելիս
է լինում մի փոքրիկ տնակում։ Տնակի առջև մի պարտէզ է
ունենում, պարտէզի մէջ երկու վարդի թուփ, մինը սպիտակ
վարդի, միւսը կարմիր։ Էն վարդի թփերի նման էլ երկու փոք-
րիկ աղջիկ է ունենում։ մէկի անունը Հուսերես, միւսինը
Վարդերես։ Երկուսն էլ էնքան էին լաւն ու բարի, էնքան
սրտով մաքուր ու աշխատասէր, որ կարծես թէ հէնց էն եր-
կուսն էին էնպէս, որ կային բովանդտկ աշխարհքում։ Միայն
թէ Հուսերեսն աւելի հանգիստ էր ու քնքոյց, իսկ Վարդերեսն
աւելի կայտառ ու աշխոյժ։

Վարդերեսը շատ էր սիրում հանդերում ու մարգերում
թռչկոտել, ծաղիկ քաղել ու թռչու բռնել, իսկ Հուսերեսը
նստում էր տանը, տնտեսութեան մէջ օգնում էր մօրը, կամ

թէ չէ, եթէ գործ չլկար, նրա համար գիրք էր կարդում: Երկու քոյրն էլ էնքան էին իրար սիրում, որ հէնց թևթեի տւած էին ման զալի, ու երբ կուսերեսն ասում էր.

—Մէնք երբէք չըպէտք է բաժանւենք իրարից՝ վարդերեսը պատասխանում էր.

—Երբէք, քանի կենդանի ենք: Իսկ մէրն աւելացնում էր.

—Մէկդ ինչ որ կունենաք՝ պէտք է կիսէք միւսիդ հետ: Երկուսով յաճախ գնում վազվում էին անտառներում ու պտուղ էին քաղում. ու ոչ մի կենդանի վսաս չէր տալիս, ամենքը վստահ գալիս մօտենում էին նրանց: Նապաստակը հէնց նրանց ձեռքից առնում որոճում էր կաղամբի թերթիկները, եղնիկն արածում էր նրանց կողքին, եղջերուն անհոգ ու զւարթ անցնում էր նրանց մօտից, իսկ թռչուննելը հանգիստ ուսներին թառած երգում էին, ինչպէս կարող էին երգել և ինչ որ գիտէին: Եթէ բան է, ուշանում էին անտառում ու գիշերը վրայ էր համում, միասին պառկում էին մասունի վրայ ու քնում մինչև լուսաբաց: Իրենց մէրն էլ գիտէր ու անհանգիստ չէր լինում:

Մի անգամ էլ, երբ անտառում գիշերում են ու լուսաբացին զարթնում են՝ տեսնում են կողքներին կանգնած ձերմակ ու փայլուն շորերով մի սիրուն երեխայ: Էս երեխան վեր է կենում, ժպտալով նրանց նայում ու, առանց մի խօսք ասելու, հեռանում, մտնում անտառի խորքն, անհետանում: Էստեղ երեխէքը մտիկ են տալիս չորս կողմները, տեսնում են, որ իրիկունը մթնով եկել են քնել մի անդունդի եզերքի ու եթէ մթնումը մի երկու քայլ էլ արած լինէին՝ պէտք է անդունդը լինէին գլորւած: Գալիս են իրենց մօրը պատմում, Մէրն ասում է.

—Էս անպատճառ պահապան հրեշտակն ինքն է եղել, որ միշտ պահպանում է բարի երեխանց:

Կուսերեսն ու Վարդերեսն իրենց մօր տնակն էնպէս իստակ ու մաքուր էին պահում, որ մտիկ անելիս մարդու դիւր էր գալիս:

Ամառը գլխաւորապէս վարդերեսն էր տան բանը շինում ու ամեն առաւօտ, մօր զարթնելուց առաջ անկողնի կողքին մի փունջ ծաղիկ էր դնում, փնջի մէջ էլ երկու վարդ մինը սիպտակ, միւսը կարմիր: Զմեռը կուսերեսն էր կրակ անում ու պղինձը դնում կրակին: Պղինձն էլ էնպէս մաքուր սրբած էր լինում, որ ոսկու նման պսպղում էր: Իրիկուններն էլ, երբ դուրսը ձիւնը փաթիլ փաթիլ բըդում էր, մէրն ասում էր. —կուսիկ ջան, գնա դռան փակը գցիր: Յետոյ նստում էին բուխարու առջև: Մէրը գիրք էր կարդում աղջիկների համար, իսկ աղջիկները լսում էին ու մանում: Կողքներին պառկած էր լինում իրենց գառը, ետևները թառի վրայ քնած սիպտակ աղաւնին, գլուխը կոխած թեփ տակը:

Մի իրիկուն էլ, երբ էնպէս նստած են լինում, մինը դուռը ծեծում է: Մէրն ասում է.

—Վարդուշ ջան, շուտ վերկաց դուռը բաց արա. անօթեան ձամփորդ կըլինի—դուռը ծեծում է:

Վարդերեսը գնում է դռան փակը ետ գցում, համոզւած որ դուռը ծեծողը մի խեղճ մարդ պէտք է լինի. մին էլ ինչ տեսնի. —դռան ետելը կանգնած մի ահագին արջ, որ դուռը բացւելուն պէս ներս է կոխում իր հաստ գլուխը: Վարդերեսը վախից ճչում է ու ետ թռչում, գառն սկսում է մայել, աղաւնին թերեն է թափահարում, իսկ կուսերեսը մտնում է մօր մահճակալի ետել: Այսինչ արջը լեզու է լինում ու խօսում: Ասում է. —ինչո՞ւ էք վախենում. ինձանից մի վախենաք, ես ձեզ վսաս չեմ տալ: Քիչ էր մնում ցրտից սառչէի, եկայ մի քիչ տաքանամ:

—Վայ, խեղճ իմ արջ ախպէր, բացականչում է մայրը: Դէ արի, արի կըակից մօտիկ պառկիր, միայն թէ զգոյշ կաց, բուրդու չըմըկի... Աղջիկները, Վարդուշ ջան, կուսիկ ջան, դուրս եկէք, եկէք էստեղ, արջ ախպէրը ձեզ ձեռք չի տալ, արջ ախպէրը բարի է:

Աղջիկները դուրս են գալիս, կամաց կամաց մօտկանում են արջին, գառն էլ, աղաւնին էլ, ու շուտով ամեն ահ ու

Երկիւղ վերանում է մէջ տեղից: Արջն էլ ասում է.

—Երեխէք ջան, թէ կարաք՝ էս իմ բրդի ձիւնը մի թափ տռէք:

Աղջիկները վազում են աւելը բերում, արջի բուրդը մաքուր սրբում են, ու արջը բաւականութիւնից մոնչալով մեկնուում է կրակի առջև: Աղջկերքը ձեռաց ընտելանում են իրենց անձունի հիւրին ու սկսում են հետը հանաքներ անել: Բրդի հետ են խաղում, ականջներից են քաշում, մէջքին են կանգ-



նում, յատակին դէս ու դէն են գլորում, ճիպոտով խփում են, իսկ եթէ սկսում է վըռչալ՝ ծիծաղից թուլանում են: Արջի երեն քէֆն էլ է գալիս: Բայց երբ շատ են նեղացնում՝ վըռչում է.

—Մի տանջէք ինձ, մի սպանէք, այ աղջկերք,

Այ կուսերես, այ Վարդերես,

Զեր սիրելի փեսան եմ ես:

Քնելու ժամանակը որ գալիս է ու աղջիկները գնում են քնեն, մէրն արջին ասում է.

—Դէ դու էլ օջախի առաջը պառկիր, արջ ախատէր, համ տաք կը լինի տեղդ համ քամուց պատրաստ:

Օրը բացւում է թէ չէ, արջը էլ ետ ձնի մէջ քարշ գալով գնում է դէպի անտառի խորքը: Էն օրւանից էս արջը սովորութիւն է շինում, ամեն իրիկուն միենոյն ժամին գալիս է սրանց մօտ: Պառկում է օջախի առջն ու թողնում է հետը խաղան, ինչքան կուզեն: Սրանք էլ էնպէս են սովորում, որ իրիկունները, մինչև արջը տուն չի գալիս, դուռը փակում չեն:

Զմեռն անց է կենում. գարունքն ընկնում է, երկիրը դալարում, ու մի օր էլ արջը կուսերեսին ասում է.

—Դէ հիմի արդէն ժամանակն է, որ ձեզանից հեռանամ. ամրող ամառը էլ ինձ չէք տեսնիլ:

—Ուր ես գնում, արջ ախատէր, հարցնում է կուսերեսը:

—Պէտք է անտառը գնամ, իմ գանձերն ու հարստութիւնները չար թզուկներից պաշտպանեմ: Զմեռը գետնի սառած ժամանակը նրանք անհետանում են իրենց մթին այրերում, բայց արել երկիրը տաքացնում է թէ չէ՝ էդ գող անպիտանները լուս աշխարհք են դուրս գալիս ու ինչ որ աչքները տեսնում է՝ էլ տիրոջն օգուտ չի անում, գողանում են տանում:

Հիմա աշխատանք
Արջից բաժանւելու համար շատ է տիրում կուսերեսիկը, իսկ երբ դուռն առաջին բաց է անում որ գնայ՝ յանկարծ արջն ընկնում է դուռն փակին, բրդիցը մի փունջ մնում է փակի վրէն ու բրդի տակիցը ոսկու պէս մի բան է պսպղում: Երեխ աչքիս թւաց, մտածում է աղջիկն ու մտքիցը հանում է էս բանը: Արջն էլ շտապում է դէպի անտառն ու անհետանում է ծառերի ետեւ:

Մի օր էլ մէրն աղջիկներին անտառն է դրկում, որ գնան ցախ ու մախ հաւաքեն բերեն: Գնում են աղջիկները, ման են

գալիս ման, մին էլ տեսնում են անտառում ընկած մի ծառ, ու էս ծառի վրայ, խոտերի միջին մի բան էս կողմն է թշում, էն կողմն է թոչում. բայց թէ ինչ բան է — զլիսի չեն ընկնում: Մօտենում են, տեսնում են մի թզուկ, դէմքը պառաւկոտած, միրուքն էլ սի ակ ու երկար, երկար: Էն, որ ասում են՝ ինքը թիզ ու կէս, միրուքը գազ ու կէս, հէնց էն ինքն է, որ կայ: Միրքի ծէրը մնացել է ծառի ճեղքում, դէս ու դէն է ընկնում ու չի իմանում թէ ոնց հանի: Աղջկերանցը որ տեսնում է՝ արնոտ աչքերը վրաները չոռւմ է ու գոռում.

— Ի՞նչ էք տնկւել էդտեղ: Զէք կարող մօտ գալ ու օգնել:

— Էդ ի՞նչ է պատահել, զաճաճ քեռի, հարցնում է Վարդերեսը:

— Ապնւշ, անասնւն, հարցնում է՝ ի՞նչ է պատահել... ի՞նչ պէտք է պատահէր. ուզում էի ծառը ճղեմ, մանր տաշեղներ անեմ մեր խոհանոցի համար, թէ չէ մեծ փէտերից էրւում են մեր կերակուրները. մենք հօ էնքան շատ չենք ուտում, ինչ-քան դուք, էդ կոպիտ ու անկշտում խալխտ. — սեպը զարկեցի, յանկարծ դուրս թուաւ, ծառի ճեղքն էլ էնպէս արագ փակւեց, որ վրայ չը հասցըրի միրքիս ծէրը միջիցը հանեմ: Միրքիս ծէ-րը մնաց ծառի ճեղքի մէջն ու ահա էսպէս չարչարւում եմ, չեմ կարում հանեմ, իսկ դուք կանգնել էք, բերաններդ բաց էք արել ու հրհում էք. ապուշներ, լպըստածներ... թնւ, զահ-լէս ինչպէս է գնում...

Աղջիկները վրայ են գալի, ուժ են անում, քաշում են, քաշում են, չեն կարողանում թզուկի միրուքը ծառի ճեղքիցը հանեն:

— Կացէք ես գնամ մարդիկ կանչեմ, ասում է Վարդե-րեսը:

— Յիմարի գլուխի, — վրայ է պրծնում թզուկը. — Ի՞նչ եմ անում մարդիկը: Դուք հերիք չէք, որ զահլէս գնայ, գեռ ու-րիշներին էլ կանչեցէք: Կարող էք — մի ուրիշ բան էլ հնարե-ցէք...»

Լուսերեսն ասում է.

— Մի քիչ համբերիր, ես ճարը գտայ: — Ասում է, գրպա-նից մկրատը հանում ու թզուկի միրքի ծէրիցը կտրում: Թը-զուկն ազատում է թէ չէ՝ իսկոյն շալակն է զցում իր ոսկով լիքը տոպրակը, որ ծառի փչակումը պահել էր, ու գնում է քթի տակին վնթփնթալով.

— Ա՛յ քեզ անտաշ խալխ... եկան էս փառաւոր միրքիս ծէրը կտրեցին թողին: Գետինը մտնէք դուք, գետինը...»

Էսպէս մըթմթալով տոպրակը շալակում է առանց ետ մտիկ տալու գնում:

Էս դէպքի վրայ մի քանի ժամանակ անց է կենում, մի օր էլ աղջկները գնում են ձուկը բոնելու: Գետափին մօտե-նում են, տեսնում են ծղրիդի նման մի բան էստեղ ետ ու առաջ է թոչկոտում, ու քիչ է մնում ջուրն ընկնի: Մօտ են վազում, տեսնում են իրենց ծանօթ թզուկը:

— Էդ ի՞նչ ես անում էդտեղ, զաճաճ քեռի, — հարցնում է Վարդերեսը:

— Ապուշներ, չէք տեսնում ի՞նչ եմ անում... Զէք տես-նում անիծած ձուկն ինձ ուզում է ջուրը քաշի...»

Դու մի ասիլ թզուկը գետափին նստած կարթով ձուկը բոնելիս է լինում, յանկարծ քամին փչում է ու միրուքը փա-թաթում կարթի թելին: Հէնց էդ խառնւած ժամանակը մի մեծ ձուկն է ընկնում կարթի մէջն ու թզուկին զօռ է ա-նում, քաշում է դէպի ներս: Սա գետափի թփերից ու խոտե-րից է կպչում, բայց բան չի դառնում, ձուկը տանում է: Աղ-ջիկները ժամանակին վրայ են համար, իրեն պինդ բոնում են ու աշխատում են միրուքը թելից բաժանեն, չեն կարողա-նում, էնպէս խճճւած են լինում իրար: Էլ ուրիշ ճար չի մը-նում, մկրատը հանում են դարձեալ միրքիցը կտրում, իրեն ազատում: Ազատում է, տեսնում է միրքիցը էլի կտրել են՝ սկսում է վրաները ճղճղալ:

— Ա՛յ դուք անասուններ, էս միթէ կարգ է հը: Դուք համարձակւէք իմ երեսն էսպէս այլանդակէլ... Հերիք չէր էն օրը միրքիս ծէրը կտրեցիք, հիմի էլ ամենալաւ մասը տարաք,



հը... ես հիմի ի՞նչպէս մերոնց երևամ... Այ գետինը մտնէք դուք, գետինը...»

Վերցնում է իր մարգարտով լիքը տոպրակը, որ թագցրել էր եղէզնուտում, ուսովն է ձգում ու անյայտանում մօտիկ քարի ետեր:

Սրանից մի քանի օր ետը մէրն իր աղջիկներին մօտակայ քաղաքն է ուղարկում՝ թել, ասեղ, մատնոց և ուրիշ էս տեսակ մանրուք առնելու: Մի քարքարոտ դաշտով անց կենալիս էս աղջիկները նկատում են, որ մի մեծ թռչուն օդում պտուտ ելաւ, պտուտ եկաւ ու նետի նման ներքե սլացաւ, զարկեց մի քարի տակի: Թռչունի զարկելուն պէս մի սրտաճմիկ աղաղակ է բարձրանում, ու էս ձէնի վրայ աղջիկները վագում են, տեսնում են իրենց հին ծանօթ թզուկը. արծիւը ճանկել է, ուզում է տանի: Բարեսիրտ աղջիկները իսկոյն բոնում են թզուկից ու կախ ընկնում, ու էնքան են արծեի հետ էս կողմն էն կողմն ընկնում, էնքան են կոիւ տալիս, մինչև որ արծիւը որսը թողնում է՝ թռչում, գնում: Առաջին սարսափն անց է կենում թէ չէ՝ էս թզուկը նորից իր ճըղճըղան ձէնովը աղջիկներին վրայ է պըճնում.

— Էս ի՞նչ արիք. չէ՞ք կարող աւելի քնքոյշ ժաժ գալ, հը... բարակ շորերս պատառտեցիք թողիք... անճոռնի անպիտաններ...

Ճղճում է, անգին քարերով լիքը տոպրակը ուսը գցում ու անցնում քարերի ետեր, կորչում գնում իր քարանձաւը: Աղջիկներն արդէն սովոր են լինում նրա ապերախտութեանը, շարունակում են իրենց ճամփէն, քաղաքում իրենց առուտուրն անում են ու ետ վերադառնում: Վերադարձին գալիս են դարձեալ պատահում հանդում մի տեղ նստած թզուկին: Տեսնում են մի իստակ տեղ իր տոպրակը շուռ է տւել, թափել, կիտել անգին քարերը, մտածելով թէ էնպէս ուշ էլ անց կենող ու տեսնող չի լինիլ: Վերջալուսի շողքերն ըսկել են փայլուն քարերի վրայ ու գոյնգոյն քարերն էնպէս են վառւում, շողշողում, հուրհուրատին տալիս, որ աղջիկները

տեղները մարում են, մնում հայիլ մայիլ կտրած՝ մտիկ անելիս:

—Ի՞սչ էք բերաններդ բաց արել կանգնել», գոռում է թըզուկը, ու նրա գորշ դէմքը փոխում է ծիրանի գոյնի: Ուզում է, ինչքան որ կարող էր, մի հայույի, մին էլ յանկարծ մի մոընչոց է լսում ու անտառից մի արջ է գուրս վազում յարձակում վրէն: Սարսափահար թզուկը տեղիցը վեր է ցատքում, բայց մինչև վրայ կը հասցնէր մտնի իր խորշը՝ արջը բռնում է: Զարհուրած սկսում է աղաչել.

—Իմ սիրելի, իմ տէր արջուկ, առ, ահա քեզ լինեն իմ բոլոր գանձերը, միայն թէ խնայիր ինձ: Մտիկ տուր, մի տես, թէ ինչ շքեղ անգին քարեր են էստեղ թափւած: Ինձ բաշխիր իմ կեանքը: Ի՞նչ օգուտ ես տանելու, եթէ սպանես ինձ, էսպէս մի փոքրիկ, վտիտ արարածի: Ատամիդ տակին իսկի չեմ էլ երկալ: Այ, թէ ուզում ես ուտես՝ էս անօրէն աղջիկներին կեր, հասկանում եմ. լորի պէս գեր ու ախլիկ-անուշ պատառ են... որանց կեր, քեզ անուշ լինի...»

Արջը ականջ էլ չի գնում թէ ինչ է ասում թզուկը, ծանր թաթը ետ է տանում ու որ մի զարկ է հասցնում՝ թզուկս տեղն ու տեղը հանգչում է: Աղջիկները լեղապատառ սկսում են փախչել: Արջը ետեներից կանչում է.

—Լուսիկ, Վարդուշ, մի վախենաք, սպասեցէք, ես էլ եմ ձեզ հետ գալիս:

Աղջիկները ճանաչում են, որ էս իրենց սիրելի արջի ձէնն է. կանգնում են: Արջը մօտենում է նրանց, ու յանկարծ մորթին վրիցն ընկնում է, տակիցը գուրս է գալիս մի գեղեցիկ պատանի, ոտիցը գլուխ ոսկու մէջ կորած:

—Ես թագաւորի տղայ եմ, ասում է նա: Էս անսիրտ թզուկը ինձ կախարդել գազան էր շինել ու յափշտակել իմ բոլոր գանձերը: Եւ ես դատապարտւած էի անտառներում թափառելու մինչև սրա մահը: Ահա վերջապէս սա առաւ իրեն արժանի պատիժը, իսկ ես՝ իմ առաջան պատկերը:

Էստեղից գնում՝ առնում են էն անհուն գանձերը, որ դիզել էր թզուկը իր մթին քարանձաւում: Ապա թէ թագաւորի տղէն ամուսնանում է լուսերեսի հետ, իսկ եղբայրը վարդերեսի: Հետներն առնում են և աղջիկների պառաւ մօըը, գընում ետ իրենց աշխարհքը, ապրում են ուրախ ու երջանիկ: Ու սրանցից մէկի լուսամուտի տակ սիպտակ վարդի թուփն է ծաղկում, միւսի լուսամուտի տակ՝ կարմիր վարդի թուփը:



Ժայռին
Ժայռին



ՍԱԳԱՐԱԾ ԱՂՋԻԿԸ

Լինում է չի
լինում մի պառաւ,
շատ պառաւ կին:
իս պառաւն իր սա-
գերի հետ ապրելիս
է լինում անմարդա-
բնակ լեռների մէջ՝
մի փոքրիկ տնա-
կում։ Բնակատեղն
էլ չորս կողմից
շրջապատւած է լի-
նում անտառով, ու
պառաւն ամեն օր
իր ձեռնափէտը վեր-
ցնում է, ձեռնա-
փէտին յենւած
տմբտմբալով գնում
անտառը։ Գնում է
սագերի համար խոտ

է անում, պառող է քաղում, հաւաքում է՝ ինչի որ ձեռքը
հասնում է ու շալակում է բերում տուն։ Տեսնողն ասում է՝
հիմի որտեղ որ է, խեղճ պառաւն իր բեռան տակին կը ճկոի,
բայց միշտ էլ յաջողակ տուն է հասցնում։ Ճամփին էլ, բան
է, եթէ մարդ է պատահում, ուրախ ուրախ բարեւում է.

— Բարի օր, ախպէր ջան։ Տեսնում ես էսօր եղանակն
ինչ լաւ է։ Հը, չը լինի թէ զարմանում ես, որ պառաւ տե-
ղովս էսքան շալակը տանում եմ։ Ի՞նչ անենք, ամեն մարդ
պէտք է իրեն բեռը կը ի։

Սակայն մարդիկ չէին ուզում նրան պատահեն։ Պատա-
հելիս էլ ճամփաները ծոռում էին հեռից անց կենում։ Իսկ
եթէ հէր ու որդի միասին կողքովն անց կենալիս էին լինում,
հէրը որդուն կամաց զգուշացնում էր։ «Տեսնում ես սրան։
սրանից հեռու կաց հա. սա կախարդ է...»

Մի առաւօտ էլ էս անտառով մի գեղեցիկ երիտասարդ է
լինում անց կենալիս։ Արեք վառ ու պայծառ լուսաւորում է,
թռչունները ծլվում, երգում են, զով հովը զըլզըլում, սըլ-
սըլում է տերեներում։ Ու անցնում է երիտասարդը ու-
րախ, զւարթ։ Ճամփին ինս-ջինս, մարդ չի պատահում։ Մին
էլ տեսնում է մի պառաւ, ծառերի տակին չոքած, մանգաղով
խոտ է անում։ Գոգնոցը լիքը խոտն ու երկու զամբիւղն էլ
կողքին դրած։

— Եղ ո՞նց ես էղքանը տանելու, նանի, հարցնում է երի-
տասարդը։

— Ուզեմ-չուզեմ՝ պէտք է տանեմ, որդի ջան, ի՞նչ անեմ։
Հարուստներն, իհարկէ, կարող են էսպէս բան չանեն, բայց
գիւղացու համար ասւած է։

Ետ մի նայիլ նոր,
մէջքդ վաղ է կոր...»

Ու, երբ տեսնում է երիտասարդը մնաց կողքին կանգնած՝
ասում է։

— Հը, գուցէ կը կամենաս ինձ օգնել։ Մէջքդ դեռ ուղիղ
է, ծնկներդ առողջ, քեզ համար մի մեծ բան չի սա։ Իմ տը-

նակն էլ էստեղից էնքան հեռու չի. այ, էս սարի ետեի հովտումն է: Ձեռաց կը հասնենք:

Երիտասարդը մեղքանում է պառաւին:

—Թէև, ասում է, իմ հէրը գիւղացի չի, հարուստ իշխանի որդի եմ, բայց քո շալակը կը վերցնեմ, որ ցոյց տամ, թէ մենակ գիւղացին չի ընդունակ ծանր բեռը կրելու:

—Դէ արի վեր կալ, հէնց ապրես: Եղած-չեղածը մի ժամայ ճանապարհ է, քեզ համար դատարկ բան է: Հա, չը մոռանաս, էս խնձորն ու տանձն էլ հետը:

Երիտասարդ իշխանը «մի ժամայ ճանապարհ» անունը որ լսում է, սկսում է տատանւել, բայց պառաւն օձիքը բաց չի թողնում: Խոտի կապոցը շալակն է տալի, տանձ ու խընձորի զամբիւղներն էլ ձեռը:

—Տեսնում ե՞ս՝ ինչ թեթև է:

—Ո՞րտեղից է թեթև, անքում է երիտասարդը: Կապոցդ էնքան ծանր է, որ կարծես թէ քար լինի մէջը լցրած, իսկ տանձ ու խնձորի զամբիւղները արձընի նման կոներս պոկում են... Շունչս կտրում է...»

Ուզում է վեր զցի, պառաւը չի թողնում: հեգնում է, ասում է.

—Տեսէք, տեսէք, ես իմ պառաւ աեղովը միշտ մենակ տանում եմ, սա ջանէլ մարդ է՝ չի կարողանում... Եղպէս է. բանը որ լեզւին գայ—կտրին էք, իսկ գործի գալիս—ետ ետ էք գնում: Էլ ի՞նչ ես կանգնել: Ոտներդ ժաժ տուր՝ գնանք: Միենոյն է, էդ բեռն էլ ոչով քո ձեռիցն առնելու չի:»

Քանի դեռ հարթ ճամփով են գնում՝ էլի ոչինչ. բայց որ դէմ են ընկնում սարերին, քարերն էլ ոտի տակիցը դուրս են պրծնում՝ իրար ետեից ներքեւ թոշում՝ տեսնում է որ էս արդէն ուժիցը վեր է: Քրտինքը ճակատը կոխում է, ու, մին սառը, մին տաք՝ մէջքից հոսում:

Աղաչում է, ասում է.

—Նանի, էլ չեմ կարողանում գնամ, պէտք է մի քիչ շունչ առնեմ:

—Ոչինչ, պատասխանում է պառաւը, երբ որ տեղ կը համնես—կը հանգստանաս: Ով գիտի, կարելի է մի օր սրանից քեզ համար մի լաւ բան է դուրս գալի... Գնա...»

—Դու իսկի խղճմտանք չես ունեցել, այ պառաւ, բարկանում է երիտասարդը և ուզում է շալակը մէջքից զցի, բայց որտեղից. կապոցն էնպէս է մէջքին կպել, ոնց որ թէ հետը ծնւած լինի: Դէս է շուռ գալիս, դէն է պտըտւում, իրեն թափահարում, չի լինում, չի ազատում: Իսկ պառաւը վրէն ծիծաղում է ու, իր կեռ ձեռնափէտը ձեռին, էս կողմն, էն կողմն է թռչկոտում:

—Ինչու ես էղպէս բարկանում, աղա ջան. հէնց կարմրել ես՝ կասես հնդու հաւ լինես: Հանգիստ բեռդ տար, մի տուն հասնենք, ես գիտեմ՝ քեզ ինչպէս կը վարձատրեմ:

Ինչ պէտք է անէր խեղճ երիտասարդը, Ուզէր-չուզէր պէտք է հնազանդէր իր ճակատագրին ու քարշ գար պառաւի ետևից:

Պառաւն էլ՝ քանի գնում են՝ էնքան ժրանում է ու արագանում, իսկ իր բեռն աւելի ու աւելի ծանրանում: Վերջը մի տեղ էլ յանկարծ էս պառաւը թոշում է կապոցի վրայ ու պինդ նստում երիտասարդի շալակին: Ինքն էլ թէն չոր չոփի նման, բայց մի հաստ ու կոպիտ գիւղացի կնգանից աւելի ծանը է լինում: Երիտասարդի ծնկները դողդողում են, բայց հէնց կանգնում է թէ չէ՝ պառաւը ճիպոտով կամ եղինջով սկսում է ոտներին զարկել ու զարկել: Ախ ու ոխով, թառանչ քաշելով մինչեւ սարն է բարձրանում՝ էնտեղից էլ հասնում պառաւի տունը՝ քիչ է մնում տեղն ու տեղն ընկնի, հոգին տայ:

Սագերը, որ պառաւին տեսնում են, թևերը թափահարելով շինքները երկարացրած ուրախ ուրախ աղմկելով վազում են դէմը, իսկ սագերի ետևից ճիպոտը ձեռին մի պառաւ կին է գալիս, ինքը պնդակազմ ու բարձրանասակ, բայց սաստիկ այլանդակ ու անձունի:



Գալիս է ու—Մայրիկ, ասում է, ինչ պատահեց քեզ,
որ էսքան ուշացար:

— Ոչինչ, աղջիկս, պատասխանում է պառաւը, ինձ ոչ մի վատ բան չի պատահել: Ընդհակառակը, անտառում պատահեցի էս երիտասարդ պարոնին, որ իմ տեղակ իմ բեռը շալակեց բերեց: Եդ հերիք չէր, երբոր ես յոգնեցի, ինձ էլ զօռով շալակն առաւ: Ճամփէն էլ էնքան կարճ թւաց, որ չխմացանք ինչպէս եկանք: Շարունակ ծիծաղում էինք ու իրար հետ հանաքներ էինք անում:

Վերջապէս պառաւն էս տղի շալակից իջնում է, մէջքից կապոցն առնում, ձեռքերից զամբիւղները ու փաղաքուշ վրէն նայելով ասում:

— Դէ հիմի նստիլ էստեղ շէմքում, հանգստացիր։ Դու
քո աշխատանքով պարզեի արժանացար ու էդ պարզել ես քեզ
կը տամ։ Յետոյ դառնում է սագարած աղջկանը.

— Դու գնա տուն, աղջիկս, ջահել տղի մօտ կանգնել ես,
լու չի, Կրակի վրայ իւղ չեն ածիլ։ Պարոնը յանկարծ վրէդ
կը սիրահարի։»

Պարոնը էս որ լսում է՝ չի իմանում ինչ անի, լաց լինի
թէ ծիծաղի։ Մտքումն ասում է.

—Այ քեզ գեղեցկուհի. սա թէկուզ երեսուն տարով էլ ջահելանայ դարձեալ չի կարող իմ սիրաը շարժել, ուր մնաց հիմի:

Այն ինչ պառաւը փայում, փայփայում է իր սագերին, ոնց որ թէ իր երեխէքը լինէին, ու յետոյ աղջկայ հետ մըտնում են տնակը:

Յոզնած երիտասարդը ձգւում է վայրի խնձորենու տակի նստարանի վրայ: Օդը ջերմ ու բուրաւէտ: Զորս կողմը տարածւում է ընդարձակ դալար մարգագետինը՝ լիքը կապուտ ու դեղին ծաղիկներով: Մարգագետնի միջով, արեկի տակ արծաթի պէս պապղալով, վագում է վճիռ առւակը, մէջը գնում են գալիս ճերմակ սագերը ու ճըղփում, լողանում:

— Ի՞նչ լաւ տեղ է, բացականչում է երիտասարդը։ Բայց

էնքան յոդնել եմ, որ աչքերս կուլ են գնում: Պառկեմ աչքս
մի քիչ կպցնեմ. էն էլ չընի թէ քնած տեղս քամին ոտներս
տանի. էնպէս ուժից ընկել են, կարծես բամբակից լինեն:

Մի քիչ քնում է, պառաւը գալիս է հրում զարթեցնում:
Ասում է.

—Վեր կաց, չի կարելի, որ դու էստեղ մնաս: Ճշմարիտ
է, ես քեզ բաւական չարչարեցի, բայց հօ էլի կաս ու կեն-
դանի ես: Հիմի քեզ կը վարձատրեմ: Եթէ փող տամ քեզ կամ
մի ուրիշ գանձ, ոչ փողի կարիք ունես, ոչ ուրիշ գանձի. դրա
համար էլ քեզ մի բան կը տամ, որ փողից էլ է թանգ, գան-
ձից էլ:

Ասում է ու ձեռը տալիս մի փոքրիկ արկղ՝ ամբողջը
զմբուխտից:

—Ա՛ռ, պահիր քո աչքի լուսի պէս, և սա քեզ երջանկու-
թիւն կը բերի:

Երիտասարդ իշխանը յանկարծ իրեն ուժեղ ու կայտառ
է զգում. տեղից վեր է կենում, նւէրն առնում, շնորհակա-
լութիւն է անում պառաւին ու ճանապարհ է ընկնում առանց
մտիկ տալու պառաւի աղջկայ վրայ: Ճանապարհից բաւական
կտրել էր, դեռ ետեկից լուսում էր սագերի ուրախ ճղճղոցը:

Երեք օր ամայութեան մէջ մոլորւած թափառելուց յե-
տոյ երիտասարդը դուրս է գալիս մի մեծ քաղաք: Ինքը քա-
ղաքին անձանօթ, քաղաքն իրեն: Անձանօթ նորեկին առնում
են տանում էդ քաղաքի թագաւորի պալատը: Պալատում երի-
տասարդը ծունկի է գալիս, երկրպագութիւն է անում թագա-
ւորին, ապա թէ գրպանից հանում է պառաւի տւած զմբուխ-
տեայ արկղիկը ու դնում է թագուհու ոտների տակ: Թագու-
հին հրամայում է վեր կենայ՝ իր ձեռքովը տայ թանկագին
նւէրը: Թագուհին բաց է անում արկղիկը մէջը նայում, նա-
յելն ու ուշաթափ գետնովը դիպչելը մին է լինում: Պալատա-
կաններն իսկոյն վրայ են թափում երիտասարդին բռնում են
որ բանտը տանեն, թագուհին աչքը բաց է անում, ուշից է

գալիս, հրամայում է ազատ թողնեն ու իրենք բոլորը դուրս
գնան, որ ինքը ուզում է նրա հետ մենակ խօսի:

Մենակ են մնում թէ չէ թագուհին սկսում է լաց լինել
ու լաց լինելով էսպէս է խօսում երիտասարդի հետ:

—Ինչիս համար են էս փառքն ու փայլը, երբ ամեն ա-
ռաւօտ վեր եմ կենում արտասուքով ու ամեն իրիկուն պառ-
կում եմ արտասուքով: Ես երեք աղջիկ ունէի: Փոքր աղջիկս
էնքան էր սիրուն, որ տեսնողն ասում էր՝ աղջիկ չի սա—
հրաշք է: Զիւնի ձերմակն ու խնձորի ծաղկի կարմիրն իրար
էին խառնւած նրա այտերին, իսկ մազերը փայլում էին արեի
ճառագայթների նման: Արտասւելիս աչքերից արտասուքի տե-
ղակ ակն ու մարգարիտ էր թափում: Տասնուհինդ տարին որ
լրացաւ՝ հէրը երեք աղջկանն էլ կանչեց իրեն մօտ: Տեսնելու
բան էր, թէ ինչպէս ամենքն էլ հիացմունքից աչքները չու-
ցին, երբ ներս մտաւ փոքր աղջիկս: Հէնց իմանաս երկնքից
արև դուրս եկաւ:

—Զաւակներս, ասաւ թագաւորը, չեմ իմանում թէ երբ
կամ ինչ ժամանակ կը համարի իմ վերջին օրը, դրա համար էլ
ուզում եմ հէնց էս օրւանից որոշել թէ ինչ բաժին էք ստա-
նալու ամեն մէկդ իմ մահից յետոյ: Գիտեմ, որ ամենքդ էլ
սիրում էք ինձ, բայց ձեզանից որը աւելի շատ է սիրում
նա էլ ամենից մեծ բաժինը կը ստանայ: Ասացէք տեսնեմ, ամեն
մէկդ ինչքան էք սիրում ինձ, որ ձեր խօսքերով կարողանամ
ձեր սէրը չափել:

Մէծն ասաւ.

—Ես քեզ սիրում եմ ամենաքաղցր շաքարի չափ:
Միջնեկն ասաւ.

—Ես քեզ սիրում եմ իմ ամենալաւ զգեստի չափ:
Փոքրը լուռ էր:

Թագաւորը հարցըրեց.

—Իսկ դու, իմ ամենասիրելի աղջիկս, դժւ ինչքան ես
սիրում ինձ:



— Զը գիտեմ, հայրիկ, պատասխանեց աղջիկը, ոչ մի
քանի հետ չեմ կարողանում համեմատել իմ սէրը:

Բայց հէրն ստիպեց որ նա մի բան ասի. Էն ժամանակ
աղջիկն ասաւ.

— Ամենալաւ կերակուրն էլ ինձ համար համ չունի ա-
ռանց աղի. Ես քեզ սիրում եմ աղի չափ:

Թագաւորն էս որ լսեց՝ կատաղութիւնը բռնեց ու գոռաց.

— Եղածս... եթէ դու ինձ աղի չափ ես սիրում՝ քո սի-
րոյ վարձատրութիւնն էլ կը լինի—աղ:

Իր թագաւորութիւնը բաժանեց երկու մեծ աղջիկների
մէջ, իսկ փոքրի մէջքին հրամայեց մի տոպրակ աղ կապեն
ու տւեց երկու ծառայի, որ տանեն բաց թողնեն մի վայրենի
խոր անտառում: Ամենքս նրա համար խնդրեցինք, աղաչեցինք,
պաղատեցինք, բայց չեղաւ, չը կարողացանք մեղմել թագա-
ւորի ցասումը:

Ա՛յս, եթէ տեսնէիք թէ ինչպէս էր լաց լինում մեզանից
բաժանւելիս: Ամբողջ ճանապարհը շաղ էր անցած էն մար-
գարիաներով, որ արցունքի տեղակ թափւում էին նրա աչքե-
րից: Սրանից յետոյ շուտով թագաւորը զղջաց իր խստասըր-
տութեան վրայ, բարկութիւնը անցաւ, փոխւեց գութի ու
խղճահարութեան. հրամայեց ամեն տեղ որոնեն, գտնեն մեր
դժբախտ երեխային, բայց ոչով չը կարողացաւ գտնի: Ամեն
անգամ երբ մտքովս անց է կենում, թէ նրան կերած կը լի-
նեն վայրենի գաղանները՝ ցաւից ու վշտից տեղս կորցնում
եմ, չեմ իմանում թէ որտեղ եմ: Շատ անգամ էլ ինձ միխ-
թարում եմ էն յուսով, թէ նա կենդանի է գեռ և թաքնւել է
մի սրեկ քարանձաւում, կամ ապաստան է գտել զթասիրտ
մարդկանց մօտ: Հիմի բաց եմ անում ձեր տւած զմրուխ-
տեայ արկղիկն ու յանկարծ տեսնում եմ մէջը էն մարգա-
րիաներից, որ արցունքի տեղակ թափւում էին իմ աղջկայ
աշքերից...

Դուք պէտք է ինձ պատմէք—էս մարգարիտը որտեղից է
ընկել ձեր ձեռքը:»

Երիտասարդը պատմում է, թէ էս մարդարիտն ստացել եմ մի էս տեսակ պառաւից, որ անշուշտ կախարդ պիտի լինէր, ու ինձ էլ շատ չարչարեց, բայց էղակս մի աղջիկ ոչ տեսել եմ, ոչ էլ դրա մասին մի որեւէ բան եմ լսած:

Էստեղ թագաւորն ու թագուհին վճռում են՝ ինչ ուղում է լինի՝ գտնեն պառաւին: Ասում է որտեղ էս մարդարիտը զըտնւել է, էնտեղ էլ կարելի է մի տեղեկութիւն իմանալ իրենց աղջկանից:

Սրանց թողնենք իրենց ճամփէն գնան, մենք դառնանք պառաւին ու իր աղջկանը:

Պառաւն իր անակի լուսթեան մէջ նստած իլիկ էր մասնում: Մութն ընկել էր, օջախի կողքին էրւող մարիսը մարելու վրայ էր: Յանկարծ դուրսը աղմուկ բարձրացաւ. սագերը հանդից տուն էին վերադառնում ու հեռուց լսւում էր նրանց խուլ ճղճոցը: Մի քիչ անց՝ ներս մտաւ պառաւի աղջիկը: Մէրը մի թեթև գլխով արաւ: Աղջիկը մօր կողքին նստեց, իլիկն առաւ ու սկսեց թել մանել, էնպէս աշխոյժ, ինչպէս մի ջանել աղջիկ: Էսպէս լուռ մի երկու ժամ նստեցին՝ առանց մինը կամ միւսը լեզուն պոռւնգովը տալու: Վերջապէս լուսամուտից մի շրջիւն լսւեց ու մթնից ներս նայեցին մի զոյգ կրակոտ աչքեր: Մի պառաւ բու էր, որ երեք անգամ կանչեց, բու բու, բու բու, ու կորաւ:

Պառաւը գլուխը մի փոքր բարձրացրեց ու ասաւ. «Ժամն եկաւ, աղջիկս, գնա արա, ինչ որ անելու ես:»

Աղջիկը լուռ վեր կացաւ դուրս գնաց: Գնաց, գնաց, դուրս եկաւ մի հովիտ ու հասաւ մի ջրհորի, որի կողքին երեք կաղնի ծառ էին կանգնած:

Լրացած ահագին լուսինն էլ դուրս եկաւ սարերի գլխին ու էնպէս լուս արաւ, որ ասեղ լինէր կորած մարդ կը նկատէր: Լուսինի լուսի տակ աղջիկը հանեց իր հազի խորխը, ջըրհորի վրայ կոացաւ ու սկսեց լւացւել: Յետոյ խորխը ջուրը քաշեց ու փռեց, որ սիպտակի լուսի տակ: Եւ միանգամից ինչպէս փոխւեց էն այլանդակ աղջիկը: Դուրս եկաւ

կանգնեց մի անտես աննման գեղեցկուհի, որ ոչ ուտես, ոչ խմես, կանգնես ու թամաշա անես: Ճերմակ մազերը գլխիցն ընկան թէ չէ՝ նրանց տակից ճոխ ոսկէ մազերը էնպէս վերեկից ներքև թափւեցին, ոնց որ խրճնով արեկի շողքերը թափւեն, ու մարմինը պատեցին: Մազերի տակից աչքերը փայլում էին ջուխտ աստղի նման ու այտերը վառւում էին կարմիր խնձորի ծաղկի պէս:

Բայց ինքը տխուրը-տխուր: Գետին ընկաւ ու սկսեց աղի աղի լաց լինել: Աչքերից արտասուքներն իրար ետեից թափւուում էին գետին: Էսպէս նստած լաց էր լինում, ու երկար կը մնար էս գրութեան մէջ, եթէ յանկարծ մօտակայ ծառերից մի խշոց չըլսւէր ու հետն էլ մի չըտկոց: Հրացանի ձէնը լսած եղնիկի նման տեղիցը ծլունգ եղաւ, իսկոյն մտաւ իր հին խորխսի մէջ ու մի ակնթարթում չքացաւ, տեղն ու տեղը հանդաւ, ոնց որ ճրագին փշես հանգչի: Տերեկի նման դողալով հասաւ իրենց տնակը: Տեսաւ մէրը շէմքում կանգնած սպառում է: Ուզեց պատմի, պառաւը մեղմօրէն ասաւ.

— Լաւ, լաւ, աղջիկս, ես ամեն բան գիտեմ: Ասաւ, ներս տարաւ, մարիսը վառեց ու մանածը թողած՝ աւելն առաւ, սկսեց տնակն՝ աւել:

— Ամեն բան իստակ ու մաքուր պէտք է լինի:
— Նամի, էս գիշերւայ կիսին ինչու ես տունը վեր քաղում:
Մարդ պէտք է զայ՝ ինչ է:

— Գիտես որ ժամն է, աղջիկս, հարցրեց պառաւը:
— Դեռ գիշերւայ կէսը չըկայ, բայց մօտիկ է:

— Իսկ մաքովդ չանցաւ, որ սրանից երեք տարի առաջ մին էլ էսօր ես եկել դու ինձ մօտ: Հիմի էս գիշեր ժամանակը լրացաւ, ու մենք էլ միասին ապրել չենք կարող:

Աղջիկը գունատւած հարցրեց.
— Նամի ջան, միթէ ուզում ես ինձ դուրս անես քո տանից: Ուր գնամ ես: Ոչ բարեկամ ունեմ, ոչ տեղ, ում մօտ գնամ: Ինչ ասում ես՝ անում եմ, դու էլ գոհ ես ինձանից, էլ ինչու ես դուրս անում...

Պառաւը չէր ուզում ամեն բան պարզի, թէ ինչ էր պատահելու աղջկայ հետ, ու խօսքը փոխեց:

— Էլ էս խըճիթում չեմ ապելու, ուզում եմ հեռանամ ու հեռանալիս մաքուր թողնեմ. թող սրբեմ: Քեզ համար էլ դարդ մի անի, էլ ետ կըդանես քո հօրական օջախը, ու գոհ կը լինես էն վարձով, որ ես կըտամ:

— Բայց նանի, ինչ է պատահելու ինձ հետ, կրկին հարցրեց աղջիկը:

— Մին էլ եմ ասում. ինձ մի խանգարի, թող սրբեմ: Անխօս գնա քո սենեակը, խորխող հանիր ու հագիր քո էն մետաքսէ զգեստը, որ հագիր էր, երբ առաջին անգամ եկար ինձ մօտ: Հագիր ու սպասիր քո սենեակում մինչև կըկանչեմ:

Հիմի թագաւորից ու թագուհուց տանը տեղեկութիւնը:

Թագաւորն ու թագուհին երիտասարդ իշխանին հետներն առնում են ու ճանապարհ են ընկնում, գնում են պառաւին դանեն:

Երիտասարդը մի անտառում նրանցից ետէ մնում ու պէտք է ճանապարհը մենակ շարունակէր: Միւս օրը նրան թւում է, թէ ուղիղ ճանապարհն է դուրս եկել: Գնում է, գնում է, մի տեղ մութը վրայ է հասնում, բարձրանում է մի ծառի, ուզում է ծառի վրայ գիշերի, առաւօտը վեր կենայ էլ ետ իր ճամփէն շարունակի: Գիշերւայ մի ժամին լրացած լուսնեակը որ դուրս է գալի, նկատում է, որ մի պառաւ լեռներից իշնում է ցած: Նկատում է, որ ճիպոտը ձեռին չի, բայց էս էն սագարած աղջիկն է, որ տեսել էր պառաւի տնակում:

— Օհօ, բացականչում է ինքնիրեն. ահա մինը եկաւ: Էս մինը որ ձեռս ընկաւ, էն միւսն էլ չի պրծնիլ ինձանից:

Բայց ինչքան է զարմանում, երբ այլանդակ կինը մօտենում է ջըհորին, խորխը հանում է, լւացւում, ոսկէ մազերը թափւում են ուսերին, ու առջեր կանգնում է մի գեղեցկուհի, որ իր օրումը ոչ տեսել էր, ոչ լսել: Շունչն իրեն պահած՝ գլուխը ճիւղերի արանքից հանում է ու աշքերը յառած նայում է աղջկանը: Շատ է լինում դէպի առաջ հակւած թէ ինչ, ծառի մի

ճիւղը կոտրում է, որ կոտրում է՝ աղջիկն իսկոյն էլ ետ մըտնում է իր խորխը ու եղնիկի նման թոչում, կորչում:

Աղջիկը հեռանում է թէ չէ, երիտասարդն էլ ծառից իշնում է, ընկնում ետեկից: Շատ է գնում թէ քիչ, մին էլ տեսնում է մի տեղ առաջին երկու ստւեր են թափառում: Դու մի ասի թագաւորն ու թագուհին են: Հեռուից պառաւի մարխի լոյսը նշմարել են, էն լուսի վրայ գնում են: Երիտասարդը պատմում է նրանց ջըհորի մօտ իր աշքով տեսած հրաշքը, ու էլ ոչ մի կասկած չի մնում, որ էն աղջիկը իրենց որոնած աղջիկը պիտի լինի: Երկուսը դառնում են երեք ու գնում: Գնում են, գնում, համնում են պառաւի տնակին: Տեսնում են սագերը պառաւի տնակի չորս կողմը բռնած, գլուխները թեների տակը կոխած՝ քնած են: Ոչ մինը ոչ շարժւում է, ոչ ձէն է հանում: Լուսամուտիցը ներս են նայում. տեսնում են ներսը պառաւը նստած իրեն համար իլիկ է մանում: Տունն էլ էնքան մաքուր սրբած, վեր քաղած, հէնց իմանաս մէջը հուրի փէրիներ էին ապրում, որ չըգիտեն աղբն ու փոշին ինչ բան է: Էս ամենը տեսնում են, բայց իրենց աղջկանը չեն տեսնում: Զըկայ: Մի առ ժամանակ էսպէս մտիկ են անում, վերջը սիրաները պնդացնում են, լուսամուտը կամաց ծեծում են: Պառաւը կարծես թէ հէնց սրանց սպասելիս լինէր. տեղիցը վեր է կենում ու քաղցր ձէն տալի:

— Եկէք, ներս եկէք, ես ձեզ ճանաչում եմ:

Ներս են մտնում թէ չէ ասում է.

— Թագաւորն ապրած կենայ, դուք հօ էսօր ստիպւած չէիք լինիլ էսքան երկար ճանապարհ կտրելու, եթէ երեք տարի առաջ ձեր սիրուն ու բարի աղջկանը, չըգիտեմ ինչի համար, էնքան անիրաւ կերպով դուրս չանէիք ձեր տանից: Էն էլ էն աղջկանը, որ էնքան սիրում էր ձեզ: Ասենք դրանից նրան ոչ մի վնաս չըհասաւ: Էս երեք տարին, ճշմարիտ է նա սագ էր արածեցնում, բայց ոչ մի վատ բան չի սովորել ու իր մաքուր սիրաը պահել է անարատ: Բայց դուք ձեր արժանի պա-

տիմն առաք հէնց էն ահ ու գողով, որով ապրում էիք էս
երեք տարին:

Ապա մօտենում է կողքի դռանն ու կանչում:

— Դուքս արի, աղջիկ ջան:

Դուռը ետ է բացւում, մետաքսէ զգեստը հագին յայտնում
է թագաւորի աղջիկը, ոսկի մազերը արձակ թափուած ուսե-
րին ու թիկունքին, աչքերը ցոլուն աստղեր ու ինքը ամբողջ
կարծես թէ հրեշտակ էր, որ երկիր իջաւ:

Դուքս է գալիս, վազում է ընկնում հօրն ու մօր վզովը ու
սկսում է համբուրել: Հէրն ու մէրը ուրախութիւնից լաց են
լինում, իսկ երիտասարդ իշխանը մնում է ապշած կանգնած
նրանց կողքին: Աղջիկը նրան նկատում է թէ չէ, ինքն էլ չի
իմանում ինչու, կարմրում, կարմիր վարդ է կարում: Թագա-
ւորն ասում է.

— Աղջիկ ջան, իմ թագաւորութիւնը արդէն բաժանել եմ.
հիմի ինչ տամ քեզ:


Սրան ոչ մի բան չի հարկաւոր, աղջկայ տեղակ պատաս-
խանում է պառաւը: Ես ձեզ եմ նւիրում սրա էն արտասուք-
ները, որ թափել է ձեզ համար. սրանք մաքուր մարգարիտներ
են, աւելի մաքուր ու թանգ, քան էն մարգարիտները, որ հա-
նում են ծովերից, և աւելի արժեն, քան ձեր ամբողջ թագա-
ւորութիւնը: Իսկ իրեն, ինձ արած ծառայութեան համար,
նւիրում եմ իմ տնակը:

Պառաւի էս ասելն ու անհետանալը մին է լինում: Մին էլ
էն են տեսնում տնակի պատերը ճըրճուացին. նայում են տնա-
կը դարձել է մի շքեղ պալատ, թագաւորավայել սեղանները
բաց արած, բազմաթիւ ծառաները վազում են դէս ու դէն ու
ձերմակաղեստ ջահել աղջիկներ շրջապատել են իրենց:

Դուքս է գալիս, որ պառաւը ոչ թէ մի չար կախարդ է
եղել, այլ բարի ոգի: Նա է տւել թագաւորի աղջկանն էն շնորհ-
քը, որ արտասուքները մարգարիտ դառնան ու նա է նրան
պահել դժբախտութեան օրերում: Նա է պահել և էն բոլոր
կախարդւած ու դժբախտացած աղջիկներին, որ դարձել է ին

սագեր, այժմ նորից առան իրենց մարդկային կերպարանքը:
Վերջապէս նա է առաջնորդել բարի երիտասարդ իշխանին
դէպի թագաւորի անմեղ հալածւած աղջիկը:

Էս բոլորից յետոյ ամուսնանում են նրանք, մոռանում են
իրենց անցկացը ծանր օրերը, և ապրում են ուրախ ու երջա-
նիկ բարի ոգու պարզեցնած էն գեղեցիկ պալատում, որ առաջ
ըն աղքատիկ անակ էր:





ԶԱՐՄԱՆԱԼԻ ԱՇՈՒՂԸ



Ի աշուղ է լինում: Օրերից
մի օր էս աշուղը մենակ վեր
է կենում գնում անտառը:
Անտառում դէս է մտածում
դէն է մտածում, մինչև որ
մտածելու բանը հատնում է:
Որ մտածելու բանը հատնում
է՝ «Օ՛ք, ասում է, ինչ եր-
կար ու ձանձրալի է ժամանակը էստեղ: Պէտք է մի լաւ ըն-
կեր գտնեմ ինձ համար...»

Ասում է, ջութակն ուսից վեր է բերում ու նւազում:
Ջութակի ձէնը հնչում է անտառում: Էս ձէնի վրայ անտառի
խորքից վազէվագ դուրս է գալիս մի գէլ:

—Ա՛խ, գէլը... հառաջում է աշուղը: Բայց ես սրան չէի
ուզում..., ես գիլի հետ ինչ անեմ...» Իսկ գէլը մօտ է գալիս
ու սկսում է խօսել:

—Եղ ինչ լաւ ես նւազում, վարպետ: Ի՞նչ կը լինի ինձ
էլ սովորեցնես:

—Սըս սովորեցնելն ինչ բան է որ, պատասխանում է
աշուղը: Կը սովորեցնեմ, միայն թէ ինչ որ ասեմ պէտք է լսես:
—Աչքիս վրայ, խօսք է տալիս գէլը: Էնպէս լսեմ, ինչ-
պէս աշկերտը վարպետին կը լսի:

—Դէ որ էղպէս է՝ ետևիցս արի:
Գնում են, գնում են, գնում են, տեսնում են ճանապար-
հին մի պառաւ կաղնի, մէջը փուչ, ինքը ճղւած:

—Դէ հիմի լսիր, տես ինչ եմ ասում, դառնում է աշու-
ղը զիլին, եթէ ճշմարիտ սրտով ուզում ես նւազել սովորես
ամենից առաջ պէտք է առջնի թաթերդ էս ծառի ճեղքումը
դնես:»

Գէլը լսում է վարպետին, առջնի թաթերը դնում է ծա-
ռի ճեղքում: Վարպետը ճեռաց կողքի մեծ քարը վերցնում է
էնպէս ուժով զարկում աշկերտի ջուխտ թաթերին ու էնպէս
խորը մխում ծառի ճեղքի մէջ, որ խեղճը տեղն ու տեղը նըս-
տում է ու մխում է գերի էն ծառին:

—Էստեղ կաց մինչև մին էլ ետ կը գամ, ասում է վար-
պետն ու գնում: Մի քիչ որ գնում է դարձեալ սկսում է
ինքն իրեն հետ խօսել.

—Օ՛ք, ինչ երկար ու ձանձրալի է ժամանակն էստեղ...
Պէտք է մի լաւ ընկեր գտնեմ ինձ համար...

Ասում է, ջութակն ուսից վեր է բերում ու նւազում:
Մին էլ տեսնում է ծառերի արանքից դուրս եկաւ աղւէսը:

—Հիմի էլ աղւէսը... բայց ես սրան էլ չեմ ուզում...
Աղւէսի հետ ինչ անեմ, հառաջում է աշուղը, իսկ աղւէսը
գալիս է առաջը կտրում:

—Եղ ինչ լաւ ես նւազում, վարպետ: Ի՞նչ կը լինի ինձ
էլ սովորեցնես:


—Ինչու չէ, կը սովորեցնեմ, պատասխանում է աշուղը,
միայն թէ ինչ որ ասեմ պէտք է լսես:

—Աչքիս վրայ, խօսք է տալիս աղւէսը: Էնպէս լսեմ,
ինչպէս աշկերտը վարպետին կը լսի:

—Դէ որ էղպէս է՝ ետևիցս արի:

Աղւէսն ուրախ ուրախ ընկնում է վարպետի ետևից ու գնում են: Գնում են, գնում են, մտնում են մի նեղ կածան, երկու կողմից բարձր թփեր: Վարպետն էստեղ կանդ է առնում, ճամփի մի կողմից մի փոքրիկ ընկուզի ծառի ծէր է կուացնում դէպի գետին ու ոտը գնում վրէն, միւս կողմից էլ մի ուրիշ ծառ ու կանչում է աղւէսին.

—Հապա դէ եկ, սիրելիս. եթէ ուզում ես բան սովորես՝ դէսը բեր առջնի ծախ թաթի»



Աղւէսը լսում է, թաթը մեկնում է, վարպետը բռնում է կապում ծառի կատարին:

—Դէ հիմի էլ աջը բեր:

Աջն էլ կապում է աջ կողմի ծառի կատարին: Յետոյ մտիկ է անում՝ ամուր են կապւած թէ չէ, ու բաց է թողնում ծառերի կատարները: Ծառերը ետ են գնում, վերև են թոցնում աղւէսին ու սկսում են ճօճել օդի մէջ:

—Էստեղ կաց, մինչեւ մին էլ ետ կը գամ, ասում է վարպետն ու շարունակում իր ճամփէն:

Մի քիչ որ անց է կենում, նորից սկսում է ինքնիրեն

խօսել. —Օ՞ք, ինչ երկար ու ձանձրալի է ժամանակն էստեղ... Պէտք է մի լաւ ընկեր գտնեմ ինձ համար...» Ասում է, ջութակն ուսից վեր է բերում ու նւագում: Ոստոստալով առաջն է ելնում մի նապաստակ:

—Համեցէք, հիմի էլ նապաստակը... բայց ես սրան էլ չեմ ուզում... Ես նապաստակի հետ ինչ անեմ, հառաջում է աշուղը, իսկ նապաստակը մօտ է գալի.

—Եղ ինչ լաւ ես նւագում, վարպետ: Ի՞նչ կը լինի ինձ էլ սովորեցնես:

—Ինչո՞ւ չէ, կարելի է, և հեշտ էլ կը սովորես: Միայն թէ ինչ որ ասեմ պէտք է լսես:

—Աչքիս վրայ, խօսք է տալիս նապաստակը: Էնպէս լսեմ, ինչպէս աշկերտը վարպետին կը լսի:

—Դէ որ էպակս է՝ ետևիցս արի:

—Գնում են: Գնում են, գնում են, դուրս են գալիս անտառի մէջ մի բացատ: Բացատի մէջ տեղը կանգնած է լինում մի բարգի: Վարպետը մի թոկ է հանում, թոկի մի ծէրը ծառից է կապում, միւս ծէրը նապաստակի վզից ու կանչում է.

—Հապա, իմ խլուշիկ, դէ մի քսան անգամ էս ծառի բոլորքով պտուտ արի, տեսնեմ քո ճարպիկութիւնը:» Նապաստակը լսում է. քսան անգամ պտուտ է գալի ծառի բոլորքով: Թոկը փաթաթւում է ծառին, խեղճը մնում է ծառին կպած ու քանի ձիգ է տալիս, քաշում, քաշընում, էնքան թոկը վիզը կտրում է:

—Էստեղ կաց, մինչեւ մին էլ ետ կը գամ, ասում է վարպետն ու իր ճամփէն շարունակում:

Վարպետի գնալուց ետը դէս է ձիգ տալի, դէս է ձիգ տալի գէլը, քարն է կրծում, ծառն է կրծում, էնքան անում է, մինչեւ թաթերը հանում է կաղնու ճեղքից: Հանում է ու, թէ չորս ոտն ունէր՝ չորսն էլ փոխ է առնում, կատաղած, գազագած ընկնում է վարպետի ետևից, որ համնի պատառ պատառ անի: Օդում ճօճող աղւէսը հեռւից ազատ գիլին տեսնում է թէ չէ սկսում է լաց լինել ու աղաղակել.

— Գէլ ախպէր, գէլ ախպէր, հասիր, օգնիր ինձ, էն վարպետը ինձ խաբեց: »

Գէլը հասնում է ծառերը կռացնում, թոկերը կրծոտում, կտրատում, աղւէսին ազատում, ու երկուսով միասին ընկնում են վարպետի ետևից, որ իրենց վրէժը հանեն:

Գնում են, գնում են, ճամփին պատահում են ծառին փաթաթւած նապաստակին: Սրան էլ էստեղ են ազատում ու երեքով միասին լարւում են ընդհանուր թշնամու—վարպետի ետևից:

Վարպետը շարունակում է իր ճանապարհն անտառում: Մի անգամ էլ նւագում է, ու էս անգամ բախար բանում է: Զութակի ձէնը լսում է մի աղքատ փայտահատ, գործը թողնում է, կացինը դնում է կոնատակին՝ գալիս է կանգնում երգը լսելու:

— Վերջապէս եկաւ իմ ընկերը, բացականչում է վարպետը: Ես մարդ էի որոնում, ոչ թէ վայրենի գաղաններ: Ու սկսում է նւագել էնքան սրտառուչ, էնքան հրաշալի, որ փայտահատը զմայլում է, սիրտը կրծքում ուրախութիւնից խաղս է լինում: Հէնց էս ժամանակ վրայ են հասնում գէլը, աղւէսն ու նապաստակը: Փայտահատը նկատում է, որ նրանց մըտքում չար բան կայ վարպետի դէմ, իսկոյն առաջ է անցնում, բարձրացնում է իր սուր կացինն ու ասում.—ով սրա վրայ դայ, իմացած կենայ, որ ինձ հետ է գործ ունենալու»:


Գաղանները էս որ տեսնում են՝ սարսափում են ու, պիւկ, ետ են փախչում գէպի անտառի խորքերը: Վարպետը փայտահատին շնորհակալութիւն անելու համար մի երգ էլ նւագում է ու գնում: Գնում է համնում իր տունը, զութակը պատին կախում ու պառկում: Գիշերը գալիս է. ուզում է քնի, քունը չի տանում: Շարունակ գէլը, աղւէսն ու նապաստակին են մտքի մէջին: Մին էլ յանկարծ գիշերւայ մի ժամանակը հէնց լուսամուտի տակին, գէլն ու աղւէսը սկսում են ձէն ձէնի տալ ու ոռնալ, իսկ նապաստակը նրանց ետևից ծւծում է:

— Ճը՝ զը, վը՝ զը, քաջ վարպետ, էն ինչ արիր դու մեզ հետ. մեզ տանջել ՚իր ուզում դուն, տանջւիր հիմի դէ զարթուն, մինչեւ լուսը մենք էսպէս հանգիստ քուն չենք տալու քեզ... ճը՝ զը, վը՝ զը, քաջ վարպետ, էն ինչ արիր դու մեզ հետ...»

Երգում են, երգում են անասունները: Զութակն էլ պատի վրիցն է սկսում իրեն իրեն նւագել նրանց հետ, ու էնտի աղեկտուր, էնպէս ողբալի, որ խեղճ վարպետը չի իմապէս աղեկտուր, էնպէս ողբալի, որ խեղճ վարպետը չի իմանում ուր կորչի էն երգի ու երաժշտութեան ձէնից: Ամբողջ գիշերը չի կարողանում աչքը կպցնի, տանջւում է ու տանջւում:

Ծերերն ասում են, իբրև թէ վարպետը էն օրւանից ետը ինչքան ապրեց աշխարհքում՝ ամեն գիշեր նրա լուսամուտի տակ հնչում էր էս տխուր, սրտաձմիկ երգը.

« Ճը՝ զը, վը՝ զը, քաջ վարպետ, էն ինչ արիր դու մեզ հետ...» Ու զութակը ողբում էր հետը: Ամեն գիշեր, ամեն գիշեր մինչեւ լուսը, մինչեւ իր մահը:





477

0009725

2013

ՀՀ Ազգային գրադարան



NL0004735

